

Bosna i Hercegovina
Federacija Bosne i Hercegovine
Unsko – sanski kanton
OPĆINA KLJUČ
OPĆINSKI NAČELNIK



Bosnia and Herzegovina
Federation of Bosnia and Herzegovina
Una-Sana canton
MUNICIPALITY OF KLJUČ
MAYOR OF MUNICIPALITY

PROGRAM UTROŠKA SREDSTAVA
SUBVENCIJE PODUZETNICIMA
UTVRĐENIH BUDŽETOM OPĆINE KLJUČ ZA 2018. GODINU

juli, 2018. godine

**PROGRAM UTROŠKA SREDSTAVA
SUBVENCIJE PODUZETNICIMA
UTVRĐENIH BUDŽETOM OPĆINE KLJUČ ZA 2018. GODINU**

I UVOD

U Federaciji Bosne i Hercegovine, kantonima i u pojedinim općinama donesene su srednjoročne strategije razvoja, što je slučaj i sa općinom Ključ.

Razvoj poduzetništva i obrta jeste naša prilika i šansa da resurse sa kojima raspoložemo značajnije iskoristimo i da privreda na ovom području postane istinski nosilac ekonomskog razvoja.

Ove godine Općina je za subvencije poduzetnicima predvidjela budžetska sredstva u iznosu od 10.000,00 (desethiljada i 00/100) KM.

Smatramo da bi se ova sredstva trebala utrošiti na racionalan način, gdje bi se subvencionirao rad i projekti koji stimuliraju razvoj, poduzetništvo i obrt.

U izradi Programa za 2018. godinu razmatrani su parametri :

- resursne mogućnosti općine Ključ,
- strateška opredjeljenja općine Ključ,
- mogućnost proizvodnje,
- mogućnost zapošljavanja,
- prijedlozi Općeg udruženja obrtnika "Ključ" Ključ,
- zakonske i programske obaveze,
- analiza realizacije novčanih podrški u prethodnim godinama,
- visina sredstava koja su predviđena u Bužetu općine Ključ za 2018. godinu.

II RASPODJELA SREDSTAVA

Ovim Programom finansijska sredstva u iznosu od 8.000,00 KM raspoređuju se sa ekonomskog koda 614500 - Subvencije poduzetnicima, po projektima kako slijedi:

1.Naziv projekta: Poticaji poduzetništvu mladih...2.000,00 KM

Ciljevi projekta:

Poticanje mladih osoba na samozapošljavanje, veće i lakše uključivanje mladih u poduzetništvo te stvaranje novih radnih mjesta.

Korisnici sredstava:

Subjekti malog poduzetništva definisani po Zakonu o poticanju razvoja male privrede i Zakonu o obrtu i srodnim djelatnostima koji imaju sjedište na teritoriji općine Ključ, ili registruju djelatnosti na području općine Ključ u toku 2018.godine, nalaze se u većinskom privatnom vlasništvu osoba do 30 godina starosti, državljana Bosne i Hercegovine.

Iznos raspodjele po jednom projektu iznosi do 1.000,00 KM.

Kriteiji:

- Pravo na podnošenje zahtjeva za ostvarenje poticaja imaju sve osobe do 30 godina starosti i kojim su registrovali djelatnost u period od 01.01.2018. – 31.12.2018.godine.

Uz zahtjev obavezno priložiti:

- Rješenje o registraciji djelatnosti izdato od nadležnog organa;
- Uvjerenje o poreznoj registraciji;
- Obavijest o razvrstavanju subjekta prema djelatnosti
- Dokaz o troškovima registracije (kopije izvoda i virmana)

2.Naziv projekta: Poticaji Općem udruženju obrtnika “Ključ” Ključ2.000,00 KM

Ciljevi projekta:

Razvoj i afirmacija poduzetništva i obrta, interesno umrežavanje poduzetnika i obrtnika, organizovano zastupanje interesa poduzetnika i obrtnika.

Korisnik sredstava:

Opće udruženje obrtnika “Ključ” Ključ.

Kriteriji:

Uz zahtjev obavezno priložiti:

- Rješenje o registraciji djelatnosti izdato od nadležnog organa;
- Program rada udruženja za 2018.godinu
- Izjava o pravdanju sredstava

3.Naziv projekta: Poticaji za promociju poduzetništva kroz organizovanje sajmova, okruglih stolova, konferencija, seminara, takmičenja, izdavanje publikacija, brošura i slično – refundiranje troškova3.000,00 KM

Ciljevi projekta:

Promocija i afirmacija poduzetništva i obrta kroz organizovanje sajmova, okruglih stolova, konferencija, seminara, takmičenja, izdavanje publikacija, brošura i slično, koji svojim sadržajima promovišu i podstiču razvoj poduzetništva i obrta sa područja općine Ključ u toku 2018.godine.

Korisnici sredstava:

Organizatori promocije poduzetništva, izdavači publikacija, brošura i slično.

Kriterij:

- Pravo na podnošenje zahtjeva za ostvarenje poticaja imaju svi subjekti koji organizuju sajmove,okrugle stolove, konferencije, seminare, takmičenja u periodu od 01.01.2018. – 31.12.2018.godine.

Uz zahtjev obavezno priložiti:

- Rješenje o registraciji djelatnosti izdato od nadležnog organa;
- Uvjerenje o poreznoj registraciji;
- Obavijest o razvrstavanju subjekta prema djelatnosti
- Dokaz o učešću privrednika/obrnika na sajmu, okruglom stolu, konferenciji, seminaru i sl. (slike, prijavu za učešće i pregled troškova za učesnike sajma)

4.Naziv projekta: Poticaji izgradnji gospodarskih objekata za uzgoj životinja na području općine Ključ1.000,00 KM

Ciljevi projekta:

Stvaranje povoljnog poslovnog okruženja za razvoj poljoprivrede i otvaranje novih radnih mjesta sa ciljem zapošljavanja nezaposlenih lica na području općine Ključ.

Sredstva će se realizirati u skladu sa Odlukom o uslovima i načinu ostvarivanja pogodnosti prilikom izgradnje gospodarskih objekata za uzgoj životinja na području općine Ključ (“Službeni glasnik općine Ključ” broj:2/16) i Ugovorom o finansiranju naknada za izdavanje akata o građenju gospodarskog objekta – štale za uzgoj životinja.

III NAČIN OSTVARENJA POTICAJA

Zainteresovani za dodjelu sredstava Subvencije poduzetnicima-ekonomski kod 614500, utvrđenih Budžetom općine Ključ za 2018. godinu i ovim Programom dostavljaju zahtjeve za ostvarivanje poticaja. Komisija će nakon provedenog postupka o ispunjavanju uslova za ostvarenje prava na novčane poticaje, na osnovu donesenih kriterija, sačiniti zapisnik o ispunjavanju uslova za

ostvarenje novčanih poticaja. Za odobreni zahtjev na prijedlog komisije Općinski načelnik donosi zaključak o odobravanju i isplati novčanih podsticaja.

Za projekat pod rednim brojem 2.Poticaji Općem udruženju obrtnika "Ključ" Ključ, sredstva podrške će biti doznačena zaključkom Općinskog načelnika nakon što Komisija prihvati ponuđeni program rada Općeg udruženja obrtnika "Ključ" Ključ.

Pravo prijave se ima samo na jedan od ponuđenih projekata.

Ukoliko ne bude zainteresovanih kandidata za neki od projekata, sredstva se mogu, na prijedlog Komisije, preusmjeriti na drugi projekat.

Nadležna služba zadržava pravo višekratne provjere utroška sredstava do isteka kalendarske godine. Ukoliko se utvrdi da su sredstva ostvarena na ime poticaja utrošena nenamjenski ili lažno predočene dokumentacije, nadležna općinska služba će donijeti rješenje o povratu sredstva, a kandidat je dužan da vrati novčana sredstva u roku od 30 dana od dana pravosnažnosti rješenja.

IV CILJEVI PROGRAMA

Ciljevi ovog Programa su :

- razvoj i afirmacija poduzetništva i obrta,
- interesno umrežavanje poduzetnika i obrtnika,
- organizovano zastupanje interesa poduzetnika i obrtnika,
- poticanje mladih osoba na samozapošljavanje, veće i lakše uključivanje mladih u poduzetništvo,
- stvaranje povoljnog poslovnog okruženja za razvoj poljoprivrede,
- stvaranje novih radnih mjesta.

V VISINA SREDSTAVA

Sredstva odobrena Budžetom općine Ključ iznose 8.000,00 KM.

VI IZVORI SREDSTAVA

Izvor sredstava za realizaciju Programa je Budžet općine Ključ za 2018. godinu, ekonomski kod 614500, pozicija "Subvencije poduzetnicima", ("Službeni glasnik općine Ključ", broj: 2/18).

Broj: 08-49-1769/18
Ključ, 10.07.2018. godine


OPĆINSKI NAČELNIK
Nedžad Zukanović, prof.

OBRAZLOŽENJE

I MATERIJALNO PRAVNI OSNOV

Materijalno pravni osnov za donošenje "Programa utroška sredstava subvencije poduzetnicima utvrđenih Budžetom općine Ključ za 2018. godinu" sadržan je u Budžetu općine Ključ za 2018. godinu ("Službeni glasnik općine Ključ", broj: 2/18).

II RAZLOZI DONOŠENJA

Razlozi donošenja "Programa utroška sredstava subvencije poduzetnicima utvrđenih Budžetom općine Ključ za 2018. godinu" sastoje se od potrebe da se na zakonski i transparentan način provede utrošak sredstava namjenjenih za ovu svrhu.

III FINANSIJSKA SREDSTVA

Financijska sredstva za realizaciju ovog Programa osigurana su u Budžetu općine Ključ za 2018. godinu, ekonomski kod 614500, pozicija "Subvencije poduzetnicima", ("Službeni glasnik općine Ključ", broj: 2/18).

OBRAĐIVAČ

Služba za razvoj, privredu i zajedničke poslove